

1978

L

1048



2

Eine Christliche predigt / vber der Leich vnd be-
grebnis / des Ehrwürdigen D.
Martini Luthers / durch Ern
Johan Bugenhagen Po-
mern / Doctor / vnd pfarrer der
Kirchen zu Wittenberg /
gethan.:



Anno M. D. XLVI.

Faint, illegible text, possibly bleed-through from the reverse side of the page.

AK



Eine Christliche pre

digte vber der Leich vnd be-

grebnis des Ehrwürgen D. Martini Luthers /

durch Ern Johan Bugenhagen Pomerns /

Doctor vnd Pfarrherr der Kirchen

zu Wittemberg gethan.

¶ Paulus der heilige Apostel 1. Thessal.
iiij. sagt.

W

Ir wöllen euch a-
ber / lieben Brüder /
nicht verhalten /
von denen die da
schlafen / Auff das
ihr nicht trawrig seid / wie die
andern die keine Hoffnung ha-
ben. Denn so wir gleuben / das
Ihesus gestorben vnd auff-
standen ist / Also wird Gott
auch / die da entschlafen sind
durch Ihesum / mit ihm führen.

2 4 Lieben

Leben freunde / Ich sol itzt / vnd wil gern
bey dem begrebnis / vnser hertz lieben
vaters / D. Martini seligen / eine Pre-
digt thun / Was aber / oder wie sol ich
reden / so ich für weinen nicht wol kan ein-
wort machen ? Vnd wer sol euch trösten / so
ich ewer Pfarher vnd Prediger nicht reden kan ?
Wo hin kan ich mich von euch wenden ? Ich
werde on zweiffel mit meiner rede mehr heulens
vnd trawrens machen / Denn wie solten wir
nicht alle hertzlich trawren / so Gott vns dis be-
trübnis zugeschickt / vnd den hohen tewren
Man / den Ehrwürdigen D. Martinum Lu-
ther / von vns weg genommen / durch welchen
er vns allen / vnd allen Kirchen Christi / inn
Deutschen Landen / auch vielen inn frembden
Nationen / vnaussprechliche gaben vnd gnade
erzeiget hat / durch welchen er auch herrlich ob-
gesieget hat / wider das Reich des Satans / wi-
der so mancherley schendliche Abgötterey / vnd
menschen sätzung / Ja / wie es Paulus nennet /
widder die Teuffels leren / inn aller welt / Vnd
hat vns offenbaret im Euangelio / das hohe /
grosse / himlische geheimnis / seinen lieben Son
Ihesum Christum (wie es zun Ephesiern vnd
Colossensern Paulus auch nennet) durch wel-
chen vnsern lieben vater / Christus sein Euan-
gelium verteidiget hat / wider den leidigen Papst
vnd mancherley Kotten / vnd Tyrannen / Ja
widder

widder alle pforten der Dellen / Welchem tew-
ren Man er gegeben hat / den Geist der krafft
vnd stercke / das er niemand schewet / wie gros
vnd mechtig er were / Vnd also freidig ob
dem Euangelio vnd reiner lere hielte / das es off-
te dafür angesehen ward / von der welt / als we-
re er mit straffen vnd schelten zu scharff / vnd
thet im zu viel / Wie auch die Jüden / vnd Pha-
riseer / die bitteren vnd gifftigen Ottern / Christo
schuld gaben / Denn es schmertzet sie vbel /
vnd that ihnen wehe / das sie gestrafft wurden /
durch die lautere warheit / Aber die heilsame lere
namen sie gleich wol nicht an.

Diesen hohen Lerer vnd Propheten / vnd
von Gott gesandten Reformatorn der Kirchen /
hat vns Gott weggenommen / Ah / wie können
wir das trawren vnd weinen lassen ? Wie kön-
nen wir doch dem lieben Paulo hie gehorchen /
da er saget / Ihr solt nicht trawrig sein / vber den
die da schlaffen / Aber er setzt gleichwol dazu /
Wie die andern / die keine hoffnung haben / Wir
aber die wir glauben / wissen / das die da entschlaf-
ffen sind inn Christo / wider zu ein bessern le-
ben / erwecket werden / da wir widderumb wer-
den mit ihnen zusamen komen / vnd ewig bey
einander sein.

Aber die welt ist's nicht werd gewesen / das
2 ij sie

Ne diesen tewren Man Gottes / lenger haben
solt / weiter ihn zu lestern vnd zuuerfolgen / Wie
wol doch die selbe vndanckbare welt / auch viel
gutes / durch diesen hohen Man empfangen
hat / besondern darinn / das sie erlöset ist / von so
macherley beschwerung vnd Tyranny / des lei-
digen Papstums / Also / das viel von wid-
dersachern (bey welchen noch etwas weisheit
oder verstand ist) lieber wolten / der tewre man /
hette noch lange sollen leben.

Dis habe ich zum eingange gesagt / das
wir ja grosse ursache haben / hertzlich zu traw-
ren / dieweil wir ein solchen hohen tewren Man
verloren haben. Vnd warlich (so das etwas helf-
fen mag) Es trawren mit vns / Christliche Kö-
nige / Fürsten / vnd Stedte / vnd alle die da er-
kand haben das Euangelium der warheit / Dar-
umb trawren wir ihe nicht alleine / Sondern viel
tausent hin vnd wider / Inn der Christenheit mit
vns. Es hat dem leidigen itzigen Papst / Cardis-
nal Meintz / oder Hertzog Heinrich / nicht ges-
büren mögen / vber dem tod dieses mannes (wel-
che er alle mit der warheit / hefftig erzürnet hat)
sich je zu freuen. Vnd ich hoffe / die widersacher
sollen sich nicht lange vber seinem tod freuen /
Denn die person ist wol inn Christo verschieden /
Aber die gewaltige / selige / Göttliche lehre / dieses
tewren Mannes / lebet noch auff's aller sterckste.
Denn

Denn er war one zweiffel der Engel/dauon
in Apocalypsi 14. Capit. stehet / der da geflogen
hat / mitten durch Himel / vnd hatte ein ewig
Euangelium 2c / Wie denn der Text sagt.

Vnd ich sahe einen Engel fliehen mitten
durch den Himel / der hatte ein ewig Euangeli-
um / zu verkündigen denen / die auff Erden sitzen
vnd wonen / vnd allen Heiden / vnd Geschlech-
ten / vnd Sprachen / vnd Völckern / Vnd sprach
mit lauter stimme / Fürchtet Gott / vnd gebet
ihm die Ehre / Denn die zeit seines Berichtes ist
komen / vnd betet an / den / der gemacht hat Hi-
mel vnd Erden / vnd Meer / vnd die Wasserbrun-
nen. Vnd ein ander Engel folget nach / der
sprach / Sie ist gefallen / Sie ist gefallen / Baby-
lon die grosse Stad / denn sie hat mit dem wein
ihrer Durerey / getrencket alle Heiden.

Sieser Engel / der da saget / Fürchtet
Gott / vnd gebet ihm die Ehre / war D.
Martinus Luther / Vnd das hie stehet /
Fürchtet Gott / vnd gebet ihm die Ehre / Das
sind die zwey stücke / der lere D. Martini Lu-
thers / das Gesetz / vnd Euangelium / durch
welche die gantze Schrifft / geöffnet wird / vnd
Christus erkand wird / vnser gerechtigkeit vn ewi-
ges leben / Zu welchen zweyen er auch dis stücke
hinzu

Hin zu gesetzt hat (die zeit seines Gerichts ist kommen) Vnd hat gelert / vom rechten Gebet vnd Anruffung / gegen Gott dem Himlischen Vater / im Geist / vnd der warheit / Wie der Engel Apoc. 14. auch saget / Betet an / den der da gemacht hat Himel vnd Erden zc.

Denn nach der lere dieses Engels / wird folgen ein ander Engel / welcher trost wird predigen / der betrübtten vnd angefochten Kirchen / vnd vber die widersacher / blitz vnd donner ewiges Gerichts vnd verdammnis / Wie denn der ander Engel sprach / Sie ist gefallen / Sie ist gefallen / Babylon die grosse Stad. Darumb werden die widderfacher / von diesem vnserm betrübnis / nicht lange sich frewen / Wie auch Christus saget / Johan. 16. Erwer betrübnis sol zur freude werden / Denn dem Apocalypsinach / Im gemelten 14. Capitel / sehen wir / das das vorher gangen ist / vnd noch gehet. Sol Apocalypsis etwas sein / so wird one zweiffel das ander folgen.

Aber / ah / wie lauffe ich so weit / mit meiner rede / inn diesem vnserm weinen vnd betrübnis ? Dis sey gnug von vnserm billichen trawren geredt / Denn wir trawren ihe billich / das ein solcher tewrer Man / rechter Bisschoff vnd Seelen hirte / von vns gescheiden / Aber inn diesem be-

seiner betribnis / sollen wir auch billich erkennen
Gottes gute vnd barmhertzigkeit gegen vns /
vnd Gott dancken / das er nach hundert Jaren /
von dem tode des heiligen Johannis Duss
(welcher vmb der warheit willen / getödtet ist /
Anno M. CCCC. XV.) balde vns erwecket
hat / durch seinen Geist / diesen texoren Docto-
rem Martinum Lutherum / wider die AntiChri-
stischen lere / des leidigen / Satanischen Papssts /
vnd wider die Teuffels lere / wie denn Johan-
nes Duss / von einem künfftigen Schwane /
selbs gepropheceyet hat / vor seinem tode / Denn
Duss / heist auff Böhemisch ein Gans / Ihr
bratet (saget Johan Duss) lezt ein Gans / Gott
wird aber einen Schwan erwecken / den werdet
ihr nicht brennen nach braten. Vnd da sie wid-
der ihn viel schreieten / das er ihnen nicht kond-
te antworten / sol er gesagt haben / Nach hun-
dert Jaren wil ich euch antworten / Das hat er
redlich gethan / durch vnsern lieben vater D.
Lutherum / vnd eben angefangen / im folgen-
den Jar nach hundert Jaren. Ja / wir sollen
Gott dancken / das er den texoren Man / vns er-
halten hat / vnd seiner Kirchen / inn dem hefti-
gen streiten / inn so viel harten Kempffen / vnd das
durch ihn Christus so offft obgesieget hat / nu
fast bis inn die xxx. Jar / Dem Herrn Christo
sey lob vnd Ehre inn ewigkeit / Amen.

W

Wir

Wir sollen vns aber auch mit vnserm lieben
vater Luthero freuen / das er also / inn dem höch-
sten Apostel vnd Propheten ampt / inn welchem
er seinen beuehl / treulich ausgericht / hin von
vns gegangen / vnd abgeschieden ist / zu dem
Herrn Christo / da denn sind die heiligen Patri-
archen / Propheten / Apostel / vnd viele / denen er
das Euangelium geprediget hat / alle heilige En-
gel / Lazarus im schoß Abrahe / das ist / inn der
ewige freude aller Gleubigen / Wie das itzt zuge-
he / bis auff den Jüngsten tag / das werden wir
erfahren / Wie Paulus sagt zun Philip. am 1. Ich
habe lust abzuscheyden / vnd bey Christo zu sein /
wie inn den Geschichten der Aposteln auch Ste-
phanus sagt / Herr Ihesu / Nim auff zu dir mei-
nen Geist / Vnd Christus zum Schecher / Wen-
te wirstu mit mir / im Paradis sein.

Denn es hat keinen zweiffel / wie der Geist
Christi war inn den henden des Vaters / da er ge-
sagt hat / Vater / inn deine hende beuehl ich mei-
nen Geist ze . bis zu der Auferstehung am
Ostertage / Also werden vnser Geister / inn
den henden Christi sein / bis zu vnser Aufer-
stehung / Denn also lauten die wort von La-
zaro / Itzt aber wird er getröstet / du aber wirst
gequelet.

Was mittler zeit / bis an Jüngsten tag / die
Gleubigen

Glenbigen für eine ruge / oder trost haben /
oder die Gottlosen / für ein vnruhe oder qual /
das können wir aus der Schrifft nicht so eben
sagen / Die Schrifft saget / sie schlaffen / wie Pau-
lus saget / zun Thess. von den die da schlaffen
Gleich aber / wie im natürlichen Schlasse / die
gesunden inn einem süßen schlaff rugen / vnd da
durch erquickt / stercker vnd gesünder werden /
Die vngesunden aber / oder die betrübtten / vnd
sonderlich die inn tods schrecken oder furcht sind
schwerlich mit schrecklichen treumen vnd vn-
rugig schlaffen / also / das ihnen der schlaff /
nicht eineruge / sondern ein schrecklicher / wü-
stere vnruhe ist / denn das wachen. Also ist ein
vnterscheid / zwischen der glenbigen vnd Gott-
losen schlaff / Aber hienon können wir nicht wei-
ter reden oder schliessen / denn wie der Schrifft
wort lauten.

Vnser lieber vater D. Martinus Luther /
hat nu erlanget / das er offte begert hat / Vnd
wenn er itzt wider zu vns solt komen / so würde
er vnser trawren vnd zagen straffen / mit dem
wort Christi / Johan. 16. So ihr mich lieb-
hettet / würdet ihr euch freuen / denn ich ge-
he zum vater / Vnd würdet mir gönnen / die ewi-
ge ruge vnd freude / Christus hat den tod für
vns vberwunden / Was zagen wir denn ?
B. ij. Der

Der tod des leibes ist vns ein anfang des ewigen lebens / durch Ihesum Christum vnsern Herrn der für vns / ein edel / tewr opffer worden ist.

Ich gedencke noch / wenn der Ehrwür-
dige / vnser lieber vater D. Martinus Luthter /
etliche sahe / süßiglich entschlaffen im bekentnis
Christi / das er sprach / Gebe mir Gott / das
ich auch so süßiglich entschlaffen möge / im
schos Christi / vnd nicht mit langen todes
schmerzen / der leib bequelet werde / Doch / ge-
schehe Gottes wille.

Die bey vns zu Wittenberg inn der Vniuersi-
tet / war Magister Ambrosius Bernardus von
Güterboch / mein lieber Bruder / ein recht fro-
mer man / welcher Christum lieb hatte / Der
lag etliche tage für seinem ende sehr schwach
vnd krank / bis inn den tod / vnd Gott benam
ihm doch das fülen der krankheit / als ob er
schon inn einem andern leben were gewesen / re-
det mit vns / wie er wolte zu vns komen / vnd
mit vns frölich sein / Das er so krank war / vnd
sterben müste / davon wuste er gar nichts / Er
sah gewis den tod nicht / darumb konte er nicht
für dem tode erschrecken / Ja / er war nicht
mehr inn diesem leben / on allein / wenn man
von Christo redet / so bekennet er frey von hertzen
die grosse gnade vnd seligkeit / die vns vom Däm-
lischen

Wischen vater inn Christo widerfaren ist / Denn er
hatte Christum lieb / vnd pflag gerne zu betten /
vnd Gott den vater anruffen im Geist vnd war=
heit. Wenn man ihm denn (als einen der zu sich
selbs gekommen war) balde darauff wolte sagen
von seinem geliebten Weibe / Kindern / hause /
geit / schuld zc. So war er wider bald nicht bey
sich selbs / sondern als inn einer andern welt
(doch kande er vns alle / vnd nennete vns mit
namen) redet frölich / mit lachen vnd lieblichem
schertzen von andern dingen / also / das einer / der
seine phantasey nicht wuste / gedenccken möchte /
er were gar gesund / vnd müste sonst für die lang
weile im bette ligen zc. Aber vnser lieber Herr Je=
sus Christus / nam ihn aus diesem leben zusich /
inn solcher phantasey / aber doch inn guter be=
kentnis des Christlichen glaubens / Also / das
er schon tod war dieser welt / etliche tage zuuor /
ehe denn er starb / Denn er wuste gar nichts auff
erden / dafur er sorgen möchte / Ja / es war ihm
alles aus dem hertzen genommen / das er auch sei=
ne Franckheit nicht fület / bekümmerte sich nichts
vmb den tod / Ja / er sahe auch den tod nicht /
wie solte er denn für der sünde vnd für dem tode
erschrecken ? Also / das wir inn ihm für augen sa=
hen / das wort Christi / Johan. viij. welchs al=
len Christgleubigen widerferet / So iemand
mein wort wird halten / der wird den tod nicht
sehen ewiglich . Denn ob sie nicht alle so leicht

2 ij dahin

dahin sterben / als dieser Ambrosius / sondern
mit grossen schmerzen / wie der Son Gottes
seibs am Creutze starb / Doch / wenn das liebe
stündlein kompt / so sehen sie das leben vnd nicht
den tod / vnd sprechen alle / Vater / inn deine hen-
de beuehle ich meinen Geist / wie denne vnsern
hertzlieben vater Doctorem Martinum / vnser
lieber Herr Ihesus Christus / mit solchem seli-
gen abschied / aus diesem jamertale / zu sich ge-
nommen hat / Gott sey lob vnd danck inn ewig-
keit.

In der Franckheit Magistri Ambrosij /
da ich sahe / das er auch nicht schlieff / bat ich
zwen Doctores Medicine / sie wolten ihm ein
starcken schlafftrancz zurichten / Die antwor-
ten mir / Solchs were sehrlich / vnd man möch-
te ihnen die schuld geben / so es vbel geriete / Ich
sprach / Ich wil verantworten / wenn er auch
schon drüber bleiben würde / Gebets ihm / im
namen Gottes / als einem desperato / Wer weis /
es möchte helfen / Solchen trancz gaben ihm
die Medici / aber nicht so starck wie ich begerte /
denn sie besorgeten sich etwas / Da kam ihm
der schlaff mit gewalt / das er bey zwo stunden
schlieff / Aber da er auff wachte / fülete er sein
wehe / vnd klagete darüber / vnd redet mit seinem
weibe / von allerley notsachen / verständlich /
Aber bald darnach / ongerlich nach andert-
halber

Halber stunde / war er wider inn seinem frölichen
wesen / wie zuuor / wuste nicht mehr von dieser
welt / bis das er / nach etlichen tagen / Christo
den Geist auffgab.

Solche selige vnd fröliche Historia / von
Magistro Ambrosio / vnserm lieben bruder / ha
be ich itzt gerne gesagt / vmb zweierley vrsachen /
Zum ersten / das ich ewer liebe damit ein wenig
möchte auffhalten / von dem heulen vnd we
nen / welchs vns nu billich angekomen ist / Gott
hat vns betrübt / seine gnade tröste vns wider /
Zum andern / das solche Historia dienet zu vn
ser sachen / da wir itzt von reden.

Denn dieser Magister Ambrosius / war
Doctoris Martini schwager / darumb besucht
er ihn so oft inn seiner krankheit / Vnd wenn
er von Christo mit ihm redet / so redet Ambrosi
us auch von Christo / nach dem lieben Euange
lio / wie gesagt / Aber wenn er mit ihm wolte
reden / vom Weibe / Kindern / gütern / zc. So wü
ste Ambrosius nichts von solchen sachen / son
dern phantasiret balde frölich mit andern wor
den / wie zuuor gesagt / Besondern saget er
mit lachen vnd dancksagen dem Doctor /
Herr Doctor / danck habet / das ihr zu mir
komen seid / Ich wil widder zu euch kom
men /

men/auff den abend ein mal/da wöllen wir zusamen gute Collation halten/vnd ich wil denne von vielen frölichen sachen mit euch reden/Zwar itzt mögen sie beide solchs ausrichten im ewigen leben/da sie beide hingerheiset sind/ Inn diesem leben haben sie auff die weise nicht mögen zusamen komen.

Da nu Doctor Martinus von ihm gieng/sprach der Doctor zu mir/ Der ist dahin/er weis von keinem tode/Wenn wir ihm raten wollen/wie er seine sache sol bestellen / so weis er nicht mehr von dieser welt vnd leben/ Sondern ist frölich/lachet/schlegt vns ander ding für mit seiner frölichen phantasey / spottet vnser noch dazu mit solchen Worten / als wolte er sagen/ Ich weis nichts mehr auff erden zubesellen oder zu besorgen. Gott gebe mir doch auch kurtz solche stille vnd seligetods stunde/ Was sol ich mehr auff erden machen ?

Da nu Magister Ambrosius im harten Winter begraben war/ Anno M. D. XLij. Mense Januario/gieng nicht lange darnach Doctor Martinus mit mir für dem grabe vber/ Da wisset er mit der hand auff's grab/vnd sprach/ Der wuste nicht das er krank war / Er wuste auch nicht das er starb / vnd war doch nicht on bekentnis Christi/ Da ligt er/er weis noch nicht/
das

das er tod ist / Lieber Herr Ihesu Christe / nimm
mich auch also aus diesem Jamertal zu dir 2c.

Solchs musste ich offte von meinem lieben
vater hören / Vnd wenn er meinen vnwillen mer-
cket / zu zeiten auch wol aus meinen Worten / so
sprach er zu mir / Bittet doch vnsern lieben Her-
ren Gott / das er mich Kurtz von hinnen zu sich
nehme / Ich kan nichts mehr thun auff erden /
Ich bin euch nichts mehr nütze / Helfft mir mit
ewerm gebet / Bittet nicht / das ich lenger lebe.
Nu kan ein iglicher wol gedenccken / was ich mei-
nem lieben vater / vnserm hertzlieben Doctor auff
solche wort geantwort habe . Das alles zeigt
an / wie gern er dieses Jamerlebens / inn seinen letz-
ten tagen / wolte los sein / vnd mit Christo sein /
Damit hat er auch sein Consummatum est / ge-
sungen / vnd dem Himlischen Vater seinen Geist
inn die hende befohlen.

Es sind auch vorgehende anzeigung gewe-
sen / das vnser lieber vater / Doctor Martinus /
inn ein besser leben wandern würde / Denn dis
ganze Jar durch / hat er offte zu vns gesaget /
er begere an ein andern ort zuziehen . Ist auch
offter inn diesem Jar / vor sein tod ausgezogen
denn zuvor inn vielen Jaren / Nemlich / inn sein
Vaterland gen Mansfeld / zum Bisschoffe gen
Zeltz / gen Merseburg / gen Halle. Dis sind gleich
C Anzei

anzeigung vnd Propheceyung gewesen / das er
diese selige rheiße/würde thun inn ein besser leben/
Daher hat sichs auch begeben / das er / bey den
Edlen vnd Wolgeborenen Graffen vñ Herrn zu
Mansfeld inn der Stad Eisleben / da er geboren
vnd getaufft / aus diesem leben abgeschrieben vnd
gereiset ist / nicht anders denn wie er begeret hat
ausgenommen / das er die zeit lieber hette wollen
bey vns / seinem lieben weibe vnd kindern sein /
Aber Gott hats anders geschickt.

Das ihr aber auch ein Kurtzen bericht
habt / Lieben freunde / von vnser hertzlieben
vaters / Doctoris Martini seligen abschiede. Da
er mercket das seine stunde komen were / hat er
also gebetet.

D Mein

O Mein Himlischer Vater/
ein Gott vnd vater vnser
Herrn Ihesu Christi / du Gott
allestroftes / ich dancke dir/
das du mir deinen lieben Son
Ihesum Christum offenbart
hast / an den ich gleube / den
ich gepredigt vnd bekant hab/
den ich geliebet vnd gelobet
hab / welchen der leidige
Papist / vnd alle Gottlosen
schenden / verfolgen / vnd le-
stern / Ich bittedich mein Herr
Ihesu Christe / las dir mein see-
lichen beuohlen sein. O Him-
lischer vater / ob ich schon die-
sen leib lassen / vnd aus diesem
leben hinweg gerissen werden
mus / So weis ich doch ge-
E h wis / das

wis/das ich bey dir ewig blei-
ben / vnd aus deinen henden
mich niemands reißen kan.

Vnd volgend hat er drey mal gesagt

Inn deine hende beuehlich
meinen Geist/ Du hast mich er-
löset/du trewer Gott.

Item Johannis iij.

Also hat Gott die welt ge-
liebet / das er seinen eingebor-
nen Son gab/auff das alle die
an ihn gleuben/nicht sollen ver-
loren werden / sondern das
ewige leben haben.

Vnd hat also seine hende gefalten / vnd inn
seiner stille / seinen Geist Christo auffgegeben/
Darumb sollen wir vns billich mit ihm freuen
so viel wir fur trawren künden.

Die

N Je mus ich gedencen / des heiligen Bischoffs S. Martini / von welchem die Historia sagt / das alle Ketzer erblasten vnd erbleichten für seinem namen. Item / das ein gros weinen vnd trawren gewesen ist / aller gleubigen vnd rechten Christen / vber den tod S. Martini / Item / das ein disputiren vnd hader worden ist / vnter etlichen Stedten vnd Landen / welche den leib S. Martini solten behalten / vnd bey sich begraben . Dis alles hat sich gleicher gestalt / bey diesem heiligen Apostel vnd Propheten Christi / vnserm Prediger vnd Euangelisten / inn Deutschen Landen / D. Martino zuge tragen / Aber dauon wil ich nicht nach der lengere reden / Gott hat ihn nu selbs / werd vnd lieb / vnd erhalt ihn inn seinem schoß / der inn diesem leben / vns vnd die Kirchen Christi / seer lieb gehabt / Vergelte es / vnserm hertzlichen vater / Gott inn ihenem leben / Da wir alle auch hoffen zu ihm zukomen.

Gebe Gott / das auch auff die nachkomen / der Geist Gottes / zweymal mehr zu reden sey / denn der hohe tewere Man geredt hat / vnd inn der Kirchen / die der liebe vater gepflantz hat / Wie denn der Prophet Elisa / von dem Elia bis 5. Reg. 2. tet / da er von dem Elia / inn ein wetter hinweg genommen ward.

So wir aber fürchten oder gedencen / das

C ij Gott

Psal. 79.

Gott den teworen man/ vmb vnser sünde vnd vn-
dancckbarkeit willen / weg genommen hat / So sol-
len wir vnser leben bessern / durch Christum /
Gott vnsern Himlischen vater / hertzlich anruf-
fen / das wir bleiben mögen / inn der seligen rei-
nen lere / vom glauben / vnd beschützet wer-
den durch Christum / wider die rotten vnd Ty-
rannen / vnd wider alle pforten der Dellen. Be-
schirm Herr Christe / deine arme Christenheit /
das sie dich loben inn ewigkeit / Hilff vns Gott
vnser Heiland / vnd errete vns vmb der ehren
willen deines namens / vnd sey gnedig vnsern sün-
den / vmb deines heiligen Namens willen / Er-
halte inn deiner Kirchen / trewe vnd gute Predi-
ger / Gib den selbigen krafft vnd stercke / durch
den heiligen Geist / Wie der lxviij. Psalm sagt /
Der HERR gibt das Wort / mit grossen scha-
ren Euangelisten.

Die vnuerschampten / gewolichen / gros-
sen lesterungen der Widersacher / vnd der ver-
stockten Pfaffen vnd Mönche / vnd dazu auch
vnser vndancckbarkeit / künd wol nu sein / inn der
welt / gros vnglücks / vnd straffe Gottes / vrsas-
che / Aber wir sollen bitten G D T den Va-
ter im namen des Sons / vnser Herrn Ihesu
Christi / das er vmb seines namens willen / thun
wölle / vnd erfüllen / vnd war machen / das Epi-
taphium vnd Prophecey / welches ihm vnser
lieber

Lieber Vater / Doctor Martinus / selbs ge-
macht hat.

Pestis eram vivus / moriens tua mors ero
Papa.

Das ist auff Deutsch / Papst / Papst /
Da ich lebete / da war ich deine Pestilentz / Wenn
ich sterbe / so wil ich dir dein bitter tod sein.

Gott sey gelobt inn ewigkeit durch

Ihesum Christum vnsern Hers

ren / A M E N.

Fast vns be

ten 2c.º.

(*)

Bedruckt inn der Churfürstli-
chen Stadt Zwickaw /
durch Wolff Mey-
erpeck.

Faint, illegible text at the top of the page, possibly bleed-through from the reverse side.

Faint, illegible text in the upper middle section of the page.

Faint, illegible text in the middle section of the page.

Handwritten text in the middle section, including the number '13' and some illegible characters.

Faint, illegible text in the lower middle section of the page.

Handwritten text in the bottom left corner, including the word 'Johann' and 'Juch'.

Small handwritten note or mark at the bottom left corner.



18. Nov. 78

01.07.85
25.10.85

78L 1048

ULB Halle 3
001 576 046



5b.





Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19 20


Farbkarte #13

B.I.G.

Blue	Cyan	Green	Yellow	Red	Magenta	White	3/Color	Black
Light Blue	Light Cyan	Light Green	Light Yellow	Light Red	Light Magenta	White	Light Gray	Black
Dark Blue	Dark Cyan	Dark Green	Dark Yellow	Dark Red	Dark Magenta	White	Dark Gray	Black

2

the pre
ch vnd be
rdigen D.
durch Ern
zen Po
rher der
erg/



LVI.

